



歇菴集卷之二

皇明朝列大夫國子監祭酒會稽陶望齡著

門生喬時敏校友

謝伯美

弟

陶奭齡訂

商濬

陶祖齡閱

詩

覽鏡

髭須未長髮先皤覽鏡公然是一婆風柳容顏真
易減秋蟬氣力苦無多細拋世界鍼鋒葉大展勲
名夢裏柯豈有心情向朱紫便將金鑄擬如何

其二

三十七年聊把玩峻坡馳馬隻輪飛陶潛官罷知
今是梵志人歸歎昔非白骨觀成看世妄青山招
隱與心違桃花一雨平湖滿且乞長竿守釣磯

其三

說法從人誚馬畱似猴良亦勝真猴牽絲刻木渾
兒戲斷水殘山足夢遊溪潦旋添菱女柅霜痕欲
上橘奴洲此中綸笠真吾事爲寫漁裝著釣舟

其四

食栢生香事有徵吾生物化豈無憑筍鄉嗜久枯
同竹梵夾繙多瘦亦僧葷血斷來餘紫蓼衣冠拋
盡只朱藤荒蕪田業關何事已種南湖十畝菱

其五

平生勲業竟何如終老須成食字魚千石官階楊
子賦百城豪貴李公書墨池筆飽朝耕後茗椀談
酣晚戰餘更有狂言客休訝一毛端處貯空虛

其六

鏡裏容顏頗自知須知元賴卽吾師持籌詎免挪

身者集 卷之二
揄笑顧影行遭罔兩疑薄相苦無蠶室婦貧身半
屬債家兒生來百醜醜明面可獨窮人盡是詩

其七

莫恠年時愛道裝姓名久已隸空王六時自禮蓮
花漏每日親拈印字香詩景天和邀客和衡門草
長與人長夜燈點罷仍朝梵靜業山中也覺忙

其八

春風濠上始觀儵秋雨簷前又醉漚萬事總如僧
剃髮一生偏愛黍垂頭欹崎歷落真堪笑寵辱升
沉定不憂試向唐生問身事騎牛躍馬竟誰優

其九

季主誠賢術未奇子卿巧中亦吾欺豈如明月盤
龍鏡解照清霜病鶴姿蘿葛攀援秋欲斷魚龍蟄
伏冷相宜可憐憔悴東陽守老病臨頭帶孔移

其十

頻年頗恠卜公腴隱几空堂我更臞槁木自含天
籟遠濕灰應覺地文殊兔毫錯落時扛鼎塵尾從
容坐撒珠一束芭蕉莫輕視巍巍丈六紫金軀

小園

滿窗烟翠鏡湖南隱士圖書海岳菴畫艇故教藏
五柳啼鶯頻與喚雙柑泥人山似當春睡中酒花
仍白晝酣已插疎籬護芳草更添微徑擬三三

春悶

一春情緒似玄冬門掩芳菲眼欲封西子湖憐遊
舫逸賀公池負酒杯濃行隨蛛網縱橫織雨對醯
雞上下春紫芥白鹽隨事有清齋聊得比周顛

寄懷袁伯修

楚袁蕭灑似龐公十載交游伯仲中尺素懷人勞
強飯一瓶餉遠笑擎空總無兒女謀身易示有威
儀與俗同苦憶西郊共携手江南今已棟花風

湖上新屋成向有山居之意故云然

東西坊本依城市大小山今有弟兄擬卜幽棲分
嶺翠好憑竹閣聽泉聲倦同飛鳥投林急慵愛瓜
牛戴屋行湖上一椽聊爾爾扶犁權與老農耕

得袁石浦書併枉新什志喜十四韻

失喜驚妻問江州遠信傳入懷珠滿把開紙舌生

蓮閣處偷頻看幽時靜憶眠逢人隨口誦逐句費
心箋獨露當陽劔勤加最後鞭句新詩有眼琴古
韻無絃曩者官聯署同時客寓燕效顰徒豎指失
利在空拳射虎雄隨廣飛丸富逐媽鴛蹄虛翦拂
朽質謝雕鐫離索竟誰訴蹉跎祗自憐法仍慙白
白講已罷玄玄金鑄司倉佛舟懷郭泰仙願因風
力厚鍛翮會飛騫

讀華嚴合論

禪心端合一生休偈價真堪萬死酬虛有身形似
腰鼓愧無手指發筌篲謾繙小本華嚴論為送初
涼葉落秋頂髮欲斑除未得祗應枯瘦擬比丘

陳侍御西湖庄

名場羨爾一身收墨詔新銜拜醉侯艇子舊裝蓮
葉樣吳兒殊有串珠喉輕輿軟逕花間馭晚翠朝
烟水上樓我亦清狂公記取十旬三度淨慈游

送詹生

了無經術只甘眠且免門人笑腹便隔歲豈堪繙
舊曆廢琴端為發新絃低頭我已推東野高足誰

能似鄭玄莫惜湖亭暫時語夜潮偏送上灘船

孟節婦 禮卿母

晦月失陽光死魄終不盡不如作雙星化石同時
實青衫霜雪髮倏改如雲鬢剝槩春膽和辛勤為
兒忍書燈照機杼心苦聲韻窘金風悲蟋蟀草露
弔蚯蚓樹枯生意盡會看發芝菌何以況古人軻
書宗也筍

題李髯雲峰圖

但寫雲峰意自閒不須重畫幼輿顏君便是雲君
信否不然何苦愛游山

西湖圖 李髯家西湖傍

從來對景不挂畫此地未宜張此圖不若贈余山
館去好尋烟柳憶西湖

迎雨謠

江鼉背穿井苔死旱蓮開花仍結子 俗云旱蓮草生水濱輒旱

及結子始雨水車啞啞龍脫骨夜半蹋翻老鴉尾山農

叉手眼出血心死向神土泥活廟祝村巫語嘶啞
兩瓣笈坏顛倒跌西村太尉東相公靈輿交戛鑼

鼓雄走僵鯨老顛倪童布裙拖竹旂颭風神言天
怒山鎖龍力絲位下閹難通零雲剩雨空虛中殿
脚子孫異所翁各爲乃子身相攻秋雨薄薄分牛
脊攘雷剽電相寇賊神戈鬼仗雲間格畫馬駮驪
汗流壁截分片雲如裂帛屠牛烹豕謝神力醜酒
沃田田亦濕

端午日無念師二詹生吳生同集齋中偶看
坡公汁字韻詩戲效韻五章末章呈似念公
吾聞嵇阮儔頽然嗜米汁呼酒如救焚五斗未曾

濕清言多妙理往往酣中得不知三閭公沉湘有
底急有如雲間鵠而視池中鴨覆載豈不宏愁人
眼空羣園芳延令節安石榴花赤秫米煮菰青菖
蒲兼酒白酒爲濡吾唇花以華吾幘行從漁父歌
一弔孤纍泣醒魂老更苦澆酒箴其缺今日良宴
會坐有千里客願客醉勿醒醒後憂來集

其二

當暑思峨眉千年藏雪汁積冷冰齒牙一想枯喉
濕往往隔雲巘玄漿寧可得譬彼越人游不救溺

者急況我困喧隘有似失水鴨氣濕地更潮雲昏
天欲羃賓去稍自便襪解脚暫赤旣滌越窰青還
尋雪芽白手煎不辭倦未用籠頭噴水火已應候
快聽蒼蠅泣悠然起遐望青山到牆缺顧我有好
顏真成主與客疎篁復解事簌簌清風集

其三

榴嬌乍頰頰柳暗初流汁湖南去飯牛飯飽牛耳
濕炎景困騰騰嘉賓來得得同忻節物換再歎流
光急艾葉巧成虎沉香微吐鳴開軒去屏障獨許

庭花羃越酒苦醲醲瓊落珊瑚赤家傳蘇氏方頗
類吳中白豈徒側君弁歡賞行墮憤連槽瀉春溜
幾夜糟牀泣餅囁幸未耻杯勺豈愁缺主人不自
謀醞美真爲客莫厭園蔬貧明朝肯來集

予家造
真一酒

色味似
二白

其四

生平食字飽渴飲松煤汁共壓強韻詩思苦筆未
濕紛如舟競渡紅錦志先得勝事出危險好語生
迫急每愛孟東野銅斗誇射鴨雖無壯士懷幽韻

寫蒙鷲飛情高鳥墮洗恨遊魴赤不獨吟者勞聞
歌已頭白伊余亦何事肩聳髮去幘胡不日中眠
強效寒蟲泣靈均去我久風雅道漸缺我欲拜低
頭誰是詞壇客何當喚韓孟去作城南集

其五

學道如癡狗銜枯苦求汁悟道如涸魚登陸徒响
濕空虛無片段豈要論失得跡往電猶遲鋒馳箭
非急多言祇自困喧呶亂鵝鴨夸足走踈踈勞睛
花纂纂吾師無寸鐵應敵雙拳赤摩壘大鼓幢摧
邪老韓白而予本幻士枯木冒冠幘蚓有無腸歌
鵠有無情泣雖然共居諸且不受盈缺從師莽浪
游非主亦非客眼看曠劫事一會靈山集

復用汁字韻送幼美兄之金陵

牛車喘斜月白汗如翻汁憐君遠行邁犯此梅雨
濕吳船木屐樣腰脚轉難得且共汎清泚湖風解
拘急荷涼淨窺鷺蒲短嬌眠鴨青空淺色畫綠縵
深重纂請看堤柳外別有飛丸赤黔爾無須臾改
爾韶顏白況當禮法地趨蹌困巾幘而咏蓼莪詩

熱眼枯行泣行矣慎風露清懽願勿缺寧從彥道
游勿作田蚡客東林儻可依好共宗劉集

題湛然禪師像

一曲琵琶天下奇朱簾繡幕捧蛾眉直教笑破崑
崙口一裏紅粧是段師

登羅巖山菴有清隱額是劉文成公所題主
人指畫下方甚辨

清隱誰將記往年壯遊我欲抱雲眠鷺頭直下橫
吞海鵬背蒼然倒看天石頂芋肥饒佛供古潭龍

老護僧禪酒間指畫煩鄒衍為道齊州那點烟

蘭芎山 山有葛洪丹井汲之有藥氣

飛欄跨閣蹟俱陳嶺翠江光興亦新丹井汲雲香
帶藥斷碑嵌壁蘚生鱗僧間自打鐘迎客路穩翻
嫌杖累人恠底雙眸清不寐幾番湖海浣灰塵

過日鑄嶺 是歐冶鑄劍地歸田錄稱日泮草
茶第一注即鑄也予舊有卜居之

志茲始至焉山寺
久廢僧徒二人

十年間勝地及見過於聞蘿葉遮泉眼松身上石
筋狃分朝暮果洞老古今雲舊寺千盤裏僧田薄

可耘

其二

小住寧論歲幽居勝事牽春雲裝紙碓山人多造紙者載
月買谿船厓石閒留記園池暗引泉前坡驅犢晚
竹篠可充鞭

其三

寺廢餘僧病基荒記佛埋龜趺蹲澗草虎嘯撼門
柴無地開朝講租田給午齋布金貧未得爾我願

何乖

予許買山後為復寺

其四

臨水不忍漱清言憶子荆指虞仲也詳見傳中棟松開墓道
菴草傍新塋調苦憑琴怨詩新托夢賡此生差不
愧胤弟黠為兄

其五

黑林魃一足陰嶺虎偏蹄窰戶尋猩語山深處皆造窰燒炭
巢民伴鶻棲岩回全隱路石墮未妨溪愛僻真吾
病携鉏築崦西

其六

近浦延花舫沿山僦草驢前谿應潮水後曠到精
廬林愛一枝鳥盆游千里魚葢頭茅幾把可號野
人居

其七

嬾許黃生並狂惟袁子真可憐虛白意猶傍軟紅
塵溪澗裁羅淺篔簹種紙春山人以竹爲紙欲將雲寄遠
雲亦戀吾貧

其八

飛遯高賢事藏修拙者能未應違俗好聊以遠人
憎古溜泉穿石枯松葉換藤只愁深谷底直欲改
高陵

其九

冶氏去已久山山如劒鋌過雲愁破碎飛鳥敢翔
翔吾欲拔之舞收將囊底藏星文翳衣袂却似有
身光

其十

朱門不肯顧目望高天霞鹿性常思草逢蠶房只課
花糞畦收豆稽開地種脂麻漸曉農桑理傳書王

老家

王氏
豐辰書

其十一

醉翁遺錄在佳茗舊來諳摘露先朝日

茶須日未出時采以

收露

蒸烟入晚嵐竹鑪煎活火藜杖掛都籃儻許

吳僧住寧將顧渚慚

日鑄嶺聞畫眉

有序

過嶺稀見餘鳥惟聞畫眉而已山人言此鳥各
占一山頭其侶過之必苦鬪自來無共棲者予
異其質似嫵媚而志甚貞果為咏此篇

屯雲飛不去百羽何由住畫眉豈凡禽獨叫山頭
樹一山占一鳥餘鳥不得覩賈勇日求敵似恐奪
其處烟霞剖同域疆土成異據遠黛媚纖妍嚶鳴
寫深悽畱候氣雄特姣好疑婦女羨爾嫵媚姿猛
志紛難禦豈同尹與邢專房巧忌妬將如巢共許
牽犢遠辭汗田仲離母兄避地甘堅瓠謝諛絕儔
黨風月纔到戶考槃獨寐笑孤竹鄉人惡有目視
霄漢肯為俗物顧有耳貯清虛每怕人聲遇此鳥
是其魄孤貞亦遺趣爾為高遁物予少人間務逝

將從爾居畫眉慎勿怒

東山

竹梢藤蔓冷僧扉門外蒼松忽減圍

舊多老松夾道近爲人伐

行有昔禪

斲藥更誰悲遠志摘花猶得訪薔薇落潮漁

艇晚初閣上浦風帆健欲飛絲管暮年陶寫盡謝

公何日復東歸

夢中得首二句醒後足成之

行藏自笑只如蝸局曲形骸角兩叉屋舍隨身聊

爾爾文書篆壁強斜斜呼牛謾逐傍人應殺敵虛

聞二國譁莫學升高便枯死且畱涎沫一些些

再至日鑄用前韻時上地往

緣岡逕轉曲如蝸童子猶能記路义紙竈罨烟溪

雨閣猿枝裹地竹風斜青鳥白鶴原知妄繡纈丹

梯不受譁我亦埋憂仲長統鑿頭邊事更無些

寒號蟲惰鳥冬毛脫凍號達晝夜稍煖輒鳴

日得過且過鳳凰不如我

富勤不如賤惰健趨不如病坐斗牛垂玉六月千

人萬人賀不如寒江夜雨一簑睡足漁翁卧不願

釣頰微欲飽食勞薪炊但願慢吞細漱澗底安流
餓寒號蟲毛羽襍從風雪大嘴禿聲漸舌號破雪
應會消風會住安能一枝兩枝暖日和風作音寒
號蟲鳳凰不如誰得奈勸君可過權時過

信天翁水鳥不能捕魚每拾魚鷹殘餘食之
淘河唳寬似栲栳淘得河乾吻先槁鷓鴣繫頸青
絲繩斲取魚鮮爲他好鷺絲兩脚竟日插饑餓不
飛愁欲倒鳩鵲鷓鴣恣噉啄魚網鳥羅誰得保翁
翁信天莫嘲笑拾得餘腥意堪飽

鴉鳩拙鳥而鳴無驗俗云晴鳩叫晴雨鳩叫

雨

橫枝不橫豎不豎結構不成翻墮樹寄言喜鵲休
笑儂早晚去時儂得住憐伊喑喑太饒舌他喜何
關相報語不如老鳩養子出窠逐婦鳴晴時叫晴
雨叫雨

懶婦魚也一名饒燈炷其膏照歌舞則明照
紡績則暗

懶婦愛懶水底居肉克脂盛脩且腴烹銀液玉冰

雪濡流膏十斛柔如酥化爲紅燈嬾不除偏宜繡
閣紗籠俱鳴瓊覆白鋪氍毹纖腰利屣飛長裾花
光泫露月照除此時紅燈百丈餘開花吐蕊如芙
蕖惟嫌鳴機併緝纈女紅刀尺文史儒地鑪火灰
冰咽壺寒膏半凝意不舒短檠挑焰一寸無白蟬
陸處狀屬魚悉宰紙間餐墨枯腹無半字名嗜書
開函見人羞欲逋我生人間百事疎對卷似智掩
卷愚號曰懶夫何乃迂雙瞳不識粉共朱試指魚
油點眼珠願雙瞳子饒燈如

鴟性愛單棲

獨宿暝煙寒多情媿紫鴛單飛春月曙宿命欠紅
鸞遶樹非連理啼花謝合歡前身清淨侶縛律護
僧殘

流離鳥也幼好長醜

流離之子毛羽佳出齠姣好音哇哇父憐母惜口
哺食丹山九鷓安足儕誰言長大妍醜換昔何熠
耀今何垂柔萋嫩柯不自保一朝砍斫成枯柴流
離之子鳴聲哀哀匪莪莪作菜

一日復一日

一日復一日一時復一時形容日以枯氣力日以衰惟有心脾存頑劣如童兒得餐亦復喜失歡亦復啼猶能聚沙戲而逐塗羹嬉嘗聞丘里言生如牛沒泥三十行及膝四十腰脊齊更過五六十減鼻徒悲悽及耳耳爲聾及眼眼爲眯雖然露兩角戢戢何所爲奚煩到北邙此理良易推君看淖中行豈有却出期

久麥

久麥化蝴蝶蝶化寧自識翅粉漸凌亂鬚嘴好粧飾無端夢爲周誇言大鵬翼著書一何困矢口談道德當其夢覺時栩栩亦暫適莫信夢中言前身一腐麥

嘗新酒

寒雲漏日遠山光甕酒新沉與客嘗山解青青如屋裏酒雖薄薄勝茶湯穿波何處槩牙噪啄雪初來烏嘴僵麩火幾星灰尚煖憐君無事且深藏
咏晚雅時新安程生在坐

寒雅作團飛，鉤轟口喑不噪。以羽鳴聲如猛風吹，
屋傾來無約期。令我驚仰面，乃見滿天黑暝色。駸
駸飛意急，殘雪糝頭毛。尚濕寒雲壓背高，纔尺欲
數翻愁過。眼疾猶有追飛餘，幾翼聽之無響數。可
隻筆凍手開天闕，寂晚景句奇稀。賞識新安壯士
好腰脊，爲君繡此寒鴉集。

題畫竹

草非草木非木，畫復非畫。藁法足筆如秋原落，輕
鶻蒼寒百丈。鵝溪縮視之墨耳，意乃綠四竿五竿。
如萬玉可老坡仙，森在目。我不識畫，頗識竹。題詩
上方添爽颺。

戊戌除夜

淚燭黯將滅，啼鳥耿未眠。暗風吹濕夢，夜雨忽連
年。

其二

長年年夜意，儉歲歲朝人。惜曉雞能懶，添更雨解
頻。

其三

悲涼已恨魚銜索荏苒偏驚鼠齧藤總使春風百
回度寒崖祇會老層冰

其四

杪歲一旬都入夜

越俗自二十至除夕通稱為夜

行年四十豈關

春惟應舊日香燈社換水添花稍較新

幼美兄以所藏唐伯虎七賢過關卷戴文進
長江圖見示而唐畫特精妙將令為歌詩系
之翌日唐卷亡去不勝惋恨作此解之

虎頭妙繪具靈變僧繇點龍破壁飛唐生近代亦
佳手神物幻化能似之藍關一圖寒色淺半軸生
綃珠百輦吾兄寶惜廿載餘愁疾時時試披展霍
然疾已愁為驅若若霧埃順風捲紫檀作匣錦作
裏好把深重貯妖變生平私惜肯輕示惟有香鑪
見開卷邇來愛予好詩句斲出齋頭欣賞屢觀者
各神竦主人每矜顧至寶畏宣揚由來鬼神妬浦
珠竟奚往吳劍俄飛去主人懍恍清晝眠叩門七
士來儼焉鬚眉瀟灑宛舊識冠服古制非今賢是
耶王摩詰非歎孟浩然魂驚夢醒月墮屋雲散風

流雨絕天故交訣今遠塞美人隔今重淵瞻泉石
今如在懷清賞今長捐君頗憶昌黎之記不吾術
之詭能使亾在而去畱窮毫端之慘澹開絹素之
颼颼景透迤而似矚越崖略而可求山經寒而添
爽溪含凍而微流牛掉逸而蹄瑩馬閑適而神適
平頭下走皆儒雅何況連翩乘騎者標格雖同意
態殊仙子羣游鶴飛野矯首似望低似吟興在溪
橋風雪下或如吟苦韻未續形貌摧藏意難寫或
如句得神氣盈想見揚鞭快捶馬樹古崖深石路
細故作迴巖增遠勢一馬踠足險欲逾一馬盤身
進仍避雲開已見山際關樹杪應藏關外寺山到
關頭皴法換稜骨孱顏勢奇悍臺閣高寒雪意濃
馬蹄犖确人心憚前騎回頭後轡遲來者如追去
如喚當時七士雅能詩維也虔乎兩畫師鄭公落
筆王公賞妙蹟淋漓今豈知唐子丹青亦補亾虎
賁聊得似中郎君不見宣和萬軸都如燬世事盈
虛豈有常

春雪

眼看春事入溟濛。篝火煎茶草閣中。水色寫天如
 淡墨。雲陰闌雪帶輕紅。疎花點袖初凋瓣。春雪少六出者
 老竹撐寒故出叢。記得漁簑詩句好。棹將殘酒去
 湯風

其二

犯寒先報數聲雷。待約還停遶屋梅。非時雷後時梅花皆雪候
 山靄漸沉驚密密。雨絲初送轉皚皚。戲量曉砌携
 筇步。欲試春粘着屐回。春雪粘屐行多蹟
 湖水如粧景如畫。可堪癡坐畫鑪灰

雪消

柔姿能耐幾時消。况是春來臆後飄。曉幕薄寒飛
 旋濕。夜窻多恨滴無憀。風前趙女愁堪訴。老去顏
 郎鬢易凋。惟有山梅解相惜。深崖鐵榦鎖冰條。
 予年三十餘無鬚。近方十餘莖而長不滿寸。
 遂有一莖半白者。哀其生老同域。戲為十一
 韻

中年雁天官鬚長。但如眉鬢。鬢略可數十莖。稍有
 奇秋草生。非時秋霜行。被之嗟爾。出土芽。迺有如

銀絲烏白雛時頭聃老胎中兒始聞頗驚恠細撚
反自怡請觀少年死何妨黑鬚髭貌生欲其壯貌
死欲其衰他年影堂內好稱枯羸姿芭蕉不及雪
寫雪良已奇吾意不及老聊吟白髭詩

百衲羹

杭僧碧暉集蔬果爲油麩甚美以其多物而成於僧手故曰百衲

水洗麥塵凝其然豆珠腐菰首帶苗青芋魁環子
處粟肥新去皺菱老方辭渚婺州玉葉蕈越嶺龍
兒脯瓮雞鮮勝肉土酥嫩如乳豆飽未經霜瓜垂
初過雨樹妖僧耳白菜異猴頭聚瓠分海若髮藥

斲山公股胡餅團月擘雪粉素絲縷椒以持紀律
油以合儔伍初如在懸樂金石各異部終焉八音
宣笙鏞集鼗鼓杭僧碧暉叟心閒面皮古爲齋齋
碧暉齋還碧暉煮水短只數掬火活聊一舉伎妙
手欲飛香聞涎合吐須臾火事畢衆目屬登俎風
雨捲盤筵千矛亂雙筍久疎何氏肉腸枯旱時圃
暉乎如可畱吾將漑其釜

越人號醃菜爲甕裏雞

贈錢塘王生參軍淮陽

王家子弟舊衣冠白晢鬚鬚玉一團厭看西湖三

月錦黃流楚雨聽風湍檜蓋搗鱸河魚賤蒜酪沾
槃北麪寒莫歎官微戎幕冷淮安端不異槐安

白鬚

自撚冰霜一寸髭衆前誇道老容儀少年側室今
成媪欲染銅礬媚阿誰

其二

西國上人言類鳥也能笑我面如闍試拈頰下呈

伊看老監應無雪樣髯

但過自塔寺有鳥思藏僧
一人見予自語詢之云此

位是寺人耶

放生詩十首書王董父蒸無量集以凡百畏

刀杖無不愛壽命爲韻

人生事腸腹及與口舌三二但取飽軟一乃可吾
饒萬錢飾盤筵殉此徑寸甘下咽了無知理與木
札兼晚食美葵蓼甚饑望壘鹽徑寸況易欺胡當
信其婪半嚮償一身債主真不廉人羊須臾理請
君覩其凡

其二

毒董烹肉肥利刃藏魚窄魚肉豈不美智者走弗

食吾有萬世患驚以取一適七箸成戈矛操之還
自賊君看筵几上怨敵常繞百食肉作堇觀斯言
心可刺

其三

介盧曉牛鳴冶長諳雀噉吾願天耳通達此音聲
類羣魚泣妻妾雞鶩呼弟妹不獨死可哀生離亦
多嘅閩語旣嚶伊吳聽了難會寧聞閩人肉忍作
吳人膾可憐登陸魚噉喙向人諄人曰魚口啗魚
言人耳背何當破網羅施之以無畏

其四

挾弩隱衣袂入林羣鳥號狗屠一鳴鞭衆吠從之
囂殺機翳曾中粲然若懸杓吾聞螳螂蟬能變琴
者操至人秉慈尚虎象焉足調因果苟無徵視斯
亦已昭與其噉羣生寧我吞千刀

其五

從事愁見拘波臣苦遭蕩蠲氏羣處囊悲鳴更相
杖寄書已成悔見夢徒增妄數錢贖爾至縛解羈
囚放困極勢未適蘇餘氣仍壯銜恩未忍去故作

三回望何方絕網釣何去保無恙感激見深衷遲
疑抱還帳贈爾金口言努力此迴向耨水具功德
蓮花好安養微施豈懷報往矣慎波浪羣蛙猶有
情鼓吹西牕傍

古今注鱉名
河伯從事

其六

昔有二勇者操刃相與酷曰子我肉也奚更求肉
乎互割還互啖彼盡我亦枯食彼同自食舉世嗤
其愚還語血食人有以異此無

其七

吾聞豐坊生赤章咒蚤虱蚤虱食幾何討捕況已
酷借問坊食者還當咒坊不弘恕聖所稱斯言非
佞佛

其八

生物不可食熟已過時敗生旣嫌腥膻敗時仍臭
穢腥膻君所知胡爲強吞噉水火幻味香口鼻成
災恠如蠅穢中育還以臭爲愛及其生子孫居然
臭穢內坑圍難久居蟲乎可爲戒

其九

豎首橫目人豎目橫身獸從獸者智櫻甘人者勇
鬪悲哉肉世界奚物獲長壽一虎當邑居萬人怖
而走萬人俱虎心物命誰當救莫言他肉肥可療
吾身瘦彼此電露命但當相閱宥共修三堅法人
獸兩無負

其十

食肉或有墨食糠反肥盛薇蕨雖苦饑甘脂亦生
病我痛思彼痛彼命如我命勿憎質直語質語應
易聽

與季豹遊雲門

叢竹生鞭晚稻齊石橋重訪古時題谷雲未出俄
成雨簷瓦初鳴已漲溪日氣忽穿殘蜺斷亂山翻
在夕陽西秦碑解讀隨君讀苔磴從高不濕泥

梅季豹見訪同爲雲門禹穴之遊詩贈其行
白葦黃茅都一槩蒼松何意入雲栽練江秀句今
如謝橄欖餘甘舊屬梅溪閣熟眠秋到寺石亭壯
觀雨兼雷憐君醉後談能勝倩取湖光爲洗杯
秋日陪黃雨石大行游西湖賦贈

勝踐阻深幽奇探每重繭惟有西子湖波光近於
眼城頭粘翠浪堤尾銜青巘浮居酒舫寬卧進人
輿軟曾靡高深懼而備登臨善如君夷曠士一遇
盡誠款高談露齒齟往往掛肝膽豈不重深衷佳
處正在淺三陪烟艇月屢赴招提飯山姿幾明晦
溪態巧縈轉卽遇謂已盈淹留興逾緬如君美無
度冲抱出平遠幽憂淪宿好三歲跡如鍵相從把
芳醕疲疾獲所遣

題高解元冊

匪蘭永懷

自我廢篇咏四百八十日霜烏翅折口欲喑豈暇
咿嚶哢春物有鳥曰精衛悲鳴東海旁酸風吹聲
到耳畔令鳥口血未滴心氣傷一啼復一滴點點
暗成字一叫復一吟聲聲似人語孤兒夜半心啼
鳥庭前樹字字譯之語語傳傳爲海上高君篇高
君悲匪蘭伊我亦罷蓼昨歲曾作流離詩其詩非
詩過於哭今聽高君言君心我能睹富兒嬌他嫗
貧兒縈父母好兒作父弄病兒費將護兒眠父不

卧父藥兒更吐但啼苦兒口不道爺心苦齧指爺
不嗔所痛兒未乳讀君如許言使我淚如雨念我
幼瘦劣多病少安愈及長見憂憐長令父懷楚父
病我則擲藥療多莽鹵恨恨數往責恨恨失今補
以較施報間千縷於一縷立身良缺漏作事慙仰
俯常恐隕先猷聲光化爲土君真國香種予也維
稗櫓因之寫哀歎短韻寄長撫

織哺恩斯

兒欲乳母方織三日五疋兒不遑食母方織兒欲
哺寧斷我縑忍斷兒乳兒長及機母力劬待持衣
織爲兒糜兒隨母旁織且讀旁有釜鳴糜就熟長
跽向母母無苦看兒織文巧於組文成五采飛上
天嗟母不見眠下泉

幼美唐寅七賢過關卷偶失去予作詩解之
以何復歸遂書前詩於卷併有後篇

吾兄寶斯畫令我韻其尾畫以有餘恨題詩爲昭
酒當時訝詩意頗與畫趣同去畫不可見見我詩
篇中兼亦寶我詩二寶相雌雄一潛一在匣每有

精光通新篇為招呼果與舊物逢一笑獲其耦畫
 反詩無功詩長更疎缺畫短窮纖濃乃知有聲類
 不及無聲工移珠已復還往壁猶未碎辛苦宵人
 握篲理損脂膩將無煩七翁顏面亦微頓四馬蹄
 不停兩牛鞅未稅乍至恰如歸方睽頻願噫挑燈
 話無恙尊卑聊問慰雪深關路迷翁其安篋筒

送僧圓知還毘陵覲本師

嘗住天台古釋籤
 岩注楞伽經予為

之序

古洞見今隱新文生舊籤鈔成逢寺施律苦到詩

巖愛客每分座論山時捲簾瀕行惜携手湖月正

如鎌

其二 圓知是笑岩禪師法孫

能行笑巖令不愧笑巖孫破襖曾藏鳥中餐更養
 猿心空隨世法願滿答師恩莫以文相揖名言久
 欲吞

贈僧支幻二首幻嘗結茆天目山悟松下遇
 大雪瑠瓊火滅餓幾死山中苦寒五更前尤
 不可忍其言云然

天目最高層雲開見定僧閉門千丈雪寄命一枝
燈半夜每枯坐雙趺如抱冰吾師辛苦意慚愧老
盧能

其二

祖師錐幾極有口元無舌借問住菴人菴中誰死
活門外黑風翻茅菴緊上關吹殘峰頂月捲却案
前山

白塔寺晤葛景文

有序

葛景文丈宿白塔寺遣信約予兄弟往會詰朝
拏舟住而景文已行後二十日天目僧支幻過
齋中相與泛湖憩寺方飯而童子報景文適至
相見喜甚因邀與歸舍以其會合之奇也遂有
此作

昔愴良會乖今逢非望始聊携清淨僧去弄潺湲
水魚鳴野寺飯鷓過高人起誠願忽以諧將無藉
神理機緣禪子歎奔迸童奴喜迎拜互攬袂歸舟
已焉止蒼顏七尺瘦杖策高過耳平生無妄詣所
詣必名士伊予年輩微而君風韻美荒院稀人過

青苔見君趾是時朱夏半穉竹數竿紫掛幘影屢
翻移尊蔭逾委晝漏無短籌清言有延晷脩剗與
小年斯言信非侈

與景文夜泛歸舍

坐深真永日交晚是忘年意愜涼侵暮人歸月滿
船伊蒲貧士供蘆葡道人禪幽處苔難埽翻憐竹
影妍

觀友人書壁二首時大雷雨

援毫興眇冥風雨颯然驚龍欲排牆去雷疑破柱
爭竹簷相對潤茆宇遂畱名野客頻停棹焚香字
字評

其二

心手忽相諧閒中飲興佳萬蹄看斫陣一字可名
齋客悟曾觀劒僧評許折釵從今眠坐處不離蘚
紋階

贈靈隱僧

稽畱山下寺客到每稽畱僧定年年夏蟬吟句句
秋泉新雲護篔峰午月生樓不獨貪名賞兼憐茗

事幽

其二

快晴真為月驟雨更宜泉
吠蛤驚來客鳴蜩急晚
天清詩難抵供高論未妨禪
一榻茶烟底聊償熟
睡緣

其三

司倉吟裏佛桑苧茗中神
詩律憐吾減茶熟到爾
新著經今日異鬪品幾山春
儻問西來事拈甌舉
似人

勝公煎茶歌兼寄嘲中郎

中郎嘗品茶云龍井未免草氣虎丘

豆花氣羅界金石氣

銅鑪宿火灰初煖旃檀半銖芥氣滿須臾斷續一
縷青纔有香烟意全短勝公煎茶契斯法兔褐甌
中雪花白火文湯嫩茗乍投已具味香無有色蘭
花色淺趣已殊況堪老作鵝兒雛佳處無多在俄
頃趣飲敢復留羸餘公安袁生吳令尹未解烹煎
強題品杭州不飲勝公茶却些言龍井如草芽誇言
虎丘居第二彷彿如聞豆花氣羅界第一品絕精

亦復非茶金石味我思生言問生口煮花作飲能
佳否茶於花氣已非倫瀹石烹金味何有歎菴道
者山澤癯毀光泉水烟雲腴飲罷身輕意冲舉夢
爲白鶴雲間徂燕中大餅如截樹生乎啖之齒牙
敝何時一碗沃爾腸勿作從前易言語

石佛菴

松間二石佛傳是千年像日日苔蘚滋看看佛身
長

白衲菴

何年白衲頭住此一菴古山深鍼綫無惟將白雲
補

金銀沙池

兩池如兩目雨後轉澄澈可憐清淨眼底用金銀
屑

丈人石

石羊已可呼石田當可稼吾從石丈人操筆復扶
耙

過何泰華園分韻四首

花事殊堪譜魚羣似可名涼風吹蔓影急雨打荷
聲清簟便慵卧朱欄傍晚行嘗新北泉冷重爲煮
沙瓶

其二

今日何園句能無憶少陵迷人寄生酒匝地月支
藤蓮褪魚吹粉苔深石減稜軒窻隨面面寒竹影
層層

其三

碧網雲牕裏龕藏古佛尊金容開紫磨鑪氣長清

温玄度當年宅祇林再世園憐君鄰並地蕭許可

重論

蕭山祇園寺是許
公宅再世蕭啓事

其四

池合繁垂柳林深長栢圍夏蟬終日聚昏鳥異方
歸竹效新施粉魚多舊賜緋葦間吾計足釣艇晚
堪依

贈地師周心水

自愛名山人剡中多君風尚古人同南條氣槩千
年寔往代悲涼六帝宮路入斷雲經犖确時臨野

水辨崩洪畫龍一倍堪時好莫把真形惱葉公

送恒齋叔之官吉州

有序

恒齋叔弱冠辭家客上谷以戍籍試補弟子廩
食三十載不得志就幕職吉州詩以祖之吾宗
派於潯陽扁舟經過試尋所謂栗里者弔之而
嘉靖中伯父新岑公故吉守也到郡後訪之父
老必有能言其惠績者無墮素業無沫先猷是
在今日

卅年抱策真磨鐵半組榮身喜佩銅江上遺民談
舊守柳間墟里問家風籌邊壯志行遊日趨府英
名坐嘯中間說青原餘社在擬將心地叩愚公

送相者金生詩二首生嘗謁先公於江州見
予孩抱中今四十年矣

黃襪翠襍繡垂膺此是東林定裏僧君到江西勞
問訊只今誰炷塔前燈

其二

相從石畔記前生四十江州夢裏程身似寒蟬抱
枯蛻逢君重問舊啼聲

贈某簿

名賢多吏隱爲眺越王臺
棲棘嗟高羽勾稽得勝才
薦疏楓陛去轉餉舊京來
戀別渾無計新詩滿篋裁

贈王廣微

一種青山色如君識者希
烏經隨眺覽鶴骨易翻飛
秋圃宣梨紫圃田晚稻肥
男兒多遠興莫只戀牽衣

四月晦日泛若耶至雲門寺以起坐魚鳥間

動搖山水影爲韻

兩崖十里蒼篔根中藏一溪
雲月髓嫩粉生香筍出林
老枝壓地花成米溪上老翁
撐竹船摘米炊枯弄清泚
月下何人見往來惟有山猿
同坐起

其二

結葉垂花老禮卧四山無風
午剛蹉板花蔭葉橋畔涼
葛屨生衣安穩坐田家初飽
麥上場溪雨新過水推磨
林間起步餘睡清青梅滿槃
雀卵大

其三

五雲山前盤古樹曾見前朝老謝敷六寺鐘聲何處盡僧殘惟有粥呼魚筍天已過麥地瘦一飯山廚鮭菜無青鞋布襪客何意擔水揭揭來澆蔬

其四

夏首新熱葉氣蒸細路危橋得幽悄檉樹成林已快人況有鳴泉覆深篠松髯石髮雅能淨竹穉鳥雛憐最小何時一牀卧僧閣飽聽凌辰醒來鳥

其五

凌辰理策來山間落日尚紫溪上還上灘下灘魚鳥恠應道山神嗔我頑秦皇昔畱一片石何人爲摩莓蘚斑山頭咫尺隔雲霧况聞鵝鼻高孱顏

其六

雙溪港口泊幽夢石帆山下朝炊動荒村客到松鼠奔小市人喧竹排重我生百事松上針雖有寸長何所用石田千畝雲外閒去採靈芝爲君種

其七

片雲隨脚僧打包片月隨肩人負樵若耶雲月天下少扁舟撥水連山搖人生兩足奉一口一餐具

飽吾將遨禪扉無人白日睡山雞告午鳴粵粵

其八

張公竹樓風與關錢公廢居生茅管麗句亭心真
帖去誰將好事開吾顏四垣生衣憐佛舊一貧到
骨哀僧孱雲光晃然忽變現天意似與閒人山

其九

山無雲氣水不鳴是山非山水非水生平愛水惟
愛聲每聽鳴泉心卽喜雲門一溪遶襟背面面僧
力筑聲裏山空月出長松前洗盡卅年非譽耳

其十

赤日漸傾氣漸冷斤竹林疎墮峰影前村虎跡旣
來大正晝斷八生境靜田家決渠溪爲濁野筏隨
流勢何猛秦山向人足回換久看成峰橫看嶺

贈澄公舅

口中無齒語音訛猶倚村童一曲歌桔槔掛壁機
全少拄杖看雲興每多亥字我因知絳老者年君
莫皺恒河白鳧黃鵠須臾事試向澄公問若何

送王君之官淮安

河水萬里渾淮水千尺清兩水同到海清濁還分
明好向蓮花幕無忘桂葉榮

其二

君住東山陞日把東江釣身是謝公鄰門過子猷
棹忽作府中趨懸知坐中嘯

送智父特倩二孝廉都試

何物趨人丞相史男子張君附之耳諸人自敬尚
書郎正復非關何氏子淡墨斜書三四字鄉里小
兒走失氣金鞭一尾踏花行春風吹動長安市歌
舞排場君自見場上疲勞場下羨愁君修組緹闌
身輝光付與鄰兒看龍尾街頭我亦曾祗今癡鈍
似寒蠅天台道士時相識也羨垂天賦大鵬

三賢詩

有序

滇右吾劉公知紹興誠懇慈愛郡人士安而懷
之而山陰尹蜀郡楊公會稽尹吳郡翁公一德
同心實均厥美論者謂吏治之盛先後罕及也
庚子冬將上計京師望齡於其行采民間歌謠
爲三賢詩五百字以獻

東揚海壖國潮濤日春撞錢塘爲長雄帶以東西
江厥宅有三山種山居中央左蔽而右龜烟雲所
起藏三江何縈紆三山何低邛山腰擊大鼓阜蓋
朱轡雙朱轡者伊誰貌瘦眼有芒共云劉寵孫重
佩太守章太守坐廳事羣吏爭蹌蹌中有二尹賢
二尹翁與楊清心等無疵盛德俱有望金石同懸
鳴椒蘭並哇芳兩肢而一首一首復一腸兩駝而
一綏共作千里行照人似三春暎物如三光久者
踰三年近乃一歲強父老謂日邇老胥言已長老

胥祝蒼天官何意之涼官如高樹蟬吸風理則當
令我地下蚓不飲濁水漿官卿而復公爲當顧朝
常吾儕日何營飯薄衣無囊願官歲遷秩勿復留
此方父老祝蒼天胥言何不祥少年事官府髮白
而齒黃常言府縣尊上或無侯王老掾如老鴟五
百如饑狼官府總慈愛狼鴟列兩旁何圖公堂中
今更坐爺孃不聞官叱詈不見官吻張有時遭決
罰罰薄無痍瘡仰頭睨官面官面翻見傷豈無隸
與胥植立餓且僵鴟狼勿多嗥今乃爲縣羊曩者

捕妖人僉細乘時狂赤舌或燒城訛火將焚岡宮
能靜其紛制使燎弗揚曰雨而獲雨曰暘而獲暘
吾民固無知乃爾動穹蒼向惟虞歛收茲乃憂無
箱薰風長萬物靡草萎如霜農夫務滋苗莠反謂
之妨龔黃萬人母羣小乃非良甚知郡僻小不足
淹吾公州所願 天子聖借以殿此邦兆庶獲和
理寧爾胥逢殃明年大述職聖人處明堂飛鳧去
翩翩征隼何煌煌黃金鑄裒蹠錫以酬膚功叶大
師采聲詩聽我三賢章

夏日過韋園

赤日來郊坰每與勞人期清風避城市常爲靜者
私瘦馬出郭門草香旋生蹄幽尋無廣途騫此田
間蹊團團十里陰中藏古招提前林在何許已覺
林蟬嘶顧影私自言息爾良在茲禪居亦已雄萬
木如登陴積晦耿晨銜餘青吐朱屏深柯藏靜風
露葉畱晚滋芳條欣可攀豈必來花時

其二

中林衆鳥國啁嘶靡不聞亦如適都市頗盡殊方

言交鳴復交翔勢合理亦尊高談喬樹顛意已無
人羣客來鳥何知去亦匪所訴孤遊時見欺故復
相囂喧平生寂默意欲與禽鳥論人生各棲宿此
義聊可敦

其三

清池不濡軌千里在一曲蒲葦散輕颺時見幽鷺
浴垂楊髮如葆遶寺紛可束數樹影文漪欣然若
新沐伊予江海客偶化鷗鳧族臨流無盥漱端坐
意已足

題郭生畫

有序

郭生嘗從予游少年美資嗜書學畫亦善經義
惜無祿早世其塾師陳先生示以遺繪爲慨然
成句題於上方

中郎去後傳書訣摩詰身前是畫師可惜丹青無
限意無人更見解衣時

題李寧遠卷

紅錦帕首狐白裘轅門置酒烹肥牛吹箛夜醉婆
娑府校獵秋閒自在州

其二

聞道龍庭夜合圍
嘶枚隊隊鐵驄飛
平沙萬里六羸去
縛取闕氏驟馬歸

其三

諸郎少年肝膽奇
鳴鞭插箭射且馳
馬上曾擒白題將
陣前當避黃鬚兒

贈黃昭素年兄請告還嘉陵

有序

泣不成聲則歌歌不成聲
呼奈何而已雜詩數章
泣乎歌乎錯然而書之
書罷而讀不知爲何

語也

巴山萬重高巴水千重深
誰令東西人而與子同心

其一

月到三十日素魄如青
盲與子遠別離倚誰作
光明

其二

日月相望時清暉意逾
苦望前與望後都得一
十五

其四

殷勤遠離意寂寞前夢境今朝看昨夢昨夢亦已
永

其五

涓流入洪川遂與江湖同亦知潢潦微大川自多
容

其六

近海無細流涓滴化爲海小夫逢大人令我懷抱
改

其七

稽叔性疎懶母兄常見饒念我福心人亦爲子所
驕

其八

每當西日下便作樂邦想明朝望西日含情一悲
愴

其九

落日仍落日明朝還復東含情重合情照我桑麻
中

其十

我行車馬間不識乘車人豈無馬上郎非是意所親

十一

長安結交地共作糲膠粘與君相識來清水投青鹽

十二

情鳥有鷄鷄殊身而比翼命命爾何情同生法王國

十三

物情重所見騶虞乃非祥車子胡爲人而令尼父傷

十四

白日忽嚮晦角枕夢清夜一夫中夜呼安能不驚吒

十五

蟻視不過寸生死尋丈地與子亦何心而管天外事

十六

浮萍語浮木爾我時相遭委身滄波中誰能慎風濤

十七

古井如古鑑團團一奩水衝風莫作獰不到深井底

十八

念子獨我憐衆意亦何有禪病長才疎書愚增面醜

十九

七年不相見俱有冰霜髭攬髭共丁寧詎是離別時

二十

形影爲三人起舞秋月冷須臾月落山回身不見影

贈洞庭僧望西

有序

余以丙申歲游包山主僧望西房其徒號青蓮者從予遊後歸夢寐未嘗不在消夏石公間也

望西兩至于舍問其徒則已遷化人生若此未
審有復至之期否慨然爲作雜詩七章書於冊
後

碧藕紅菱渚青油白版舟同君綠波裏銷夏與銷
愁

其二

烟水方方窄生池若處寬賜湖封震澤從此擲微
官

其三

漁艇紫沙桅雲帆七道開烏程帶殘酒半醉叫風
來

其四

望西沙彌子顏色美如玉誰人黃土中認得黃金
骨

其五

樂哉包山僧種橘當田作橘中白髮翁對說包山
樂

其六

烟冷明月灣雲沉石公樹試問石婆婆識取西施
女

其七

靈洞何須入僧房靜可居佛燈長夜炷好讀左神
書

贈梅谷上人住山

有序

萬曆癸卯予會梅谷上人於馮開之先生座中
先生稱之爲理窟後四歲予入法華山上人荷
杖來訪時山中秋雨泉聲如筑爲留數日語予

鈍愚不能深領妙契其教而當機無隱一副熱
腸意甚感之上人雲水三十年徧遊名嶽所遇
耆宿如辨融月心諸老猶未當其意高視濶步
口如布穀氣拂雲漢予不能測也自言年老倦
游將縛茆天目庶幾老且死於死關活埋之間
焉而乞資於士大夫之信道而樂施者予貧無
以助也爲賦數絕以資其行

十萬八千烟水路一千七百葛藤窠眉毛落盡芒
鞋破埋向西巖老土坡

其二

雪花一片語當機生鏡稜稜鑄面皮莫將和雅迦
陵舌去伴當年師子兒

其三

孤峰獨卧老拋書片衲單丁手劬畚冬雪斷烟冰
斷溜看君一口嚼空虛

送鳴臯兄北上古體一章

悠悠送行舟望望臨河湄中觴意慷慨歌罷還長
吁秦庭列九賓趙壁懷中歸有時賤如瓦抵鵲荆

山陲十年調素琴山水含清微一朝抱竿管甘向
傍人吹吾兄說春秋經疇啓新菑言泉奮如流理
解銛如觶杜癖砭愈堅墨守攻難梯折角亦已雄
折腰慵復爲一身遠隨牒此意何人知五鼎豈不
貴意失糠與粃斗秩時復榮義得爲京抵恨恨季
子懷惻惻曾參詞簿領殊擁書束紳還自縻彭澤
豈爲米高堂有垂絲公田不釀酒秫稻聊供飴詞
林類馬曹手板曾支頤棄置歸南山時作嬰兒嬉
贈君同心言語默何足疑

贈杜居士 有序

杜居士生於帝鄉日瞻望佳氣如食天廚人間百味不復適口看山會稽不旬浹輒去無足訝也蚤歲事紫栢老人持律精嚴午時一食過予山中數日未嘗談形家言予亦未嘗請也摩法師曰心有高下丘陵是生且道秦望山從何處生起居士其諦觀之

一鉢杜陵翁家山指舊豐萬峰看欲小身住鬱葱

其二

著經老作青山主執拂曾親紫栢師捲盡亂雲溪日午看君臨水嚼楊枝

讀貞奴傳 有序

貞奴傳者大方伯楓川陳公爲其弟婦童作也童之先出宋李忠襄顯忠避國讎改童姓姓望於會稽貞奴年十六歸方伯公介弟國子君以孝婉稱庭中逾二歲生子于京而陳君前婦有二女子貞奴視之如京也庚辰國子君病卒臨

訣以子女屬貞姒以故貞姒哀甚矣猶爲強粥
趾無翔目無游容無矧者三十年背有方池嘗
植蓮自喻曰吾悲其腹子以生而成子以瘁其
苦心哉甲辰蓮三莖六華並蒂人謂之義感予
聞而爲賦雙蓮之詩三章

太華峰頭玉女井井中蓮花千尺冷花開花落誰
得知黃鵠孤飛來照影

其二

黃鵠歌殘調轉悲鴛鴦塚畔夢猶疑只應池上雙
蓮影得似當年鏡裏時

其三

雙窺雙語鏡中妝蓮葉蓮花總斷腸幾倩西風洗
紅粉斷香零露老秋房

題王氏繡大士

吳生繪有神筆端現大士佛子巧勝畫鍼鋒如道
子千絲成一抹萬縷纜一揮種種具筆法想像縑
毫飛菩薩如化身衆生如幻力隨類而應現如淨
水中月

題尹中丞栩栩園二十二韻

江漢姬諸國名園水一方中興今吉甫大隱楚蒙
莊新賜逍遙號重賡卻曲章午橋方構墅丙舍正
歸裝簡朴真規在疏通遠境藏小亭穿窬窳危榭
眺微茫天迴連雲夢江清帶武昌臯憐神女佩洲
憶彌生狂烟渡真乘葦苔磯坐釣璜晴雲南浦色
珎簾北窻涼橘刺迷花砌松陰覆薜牆桔槔閒屋
壁笈懸掛舟航隱士遙通徑高人獨拜牀僧依蒲
褐語客至綺筵張勝賞時中聖幽襟到上皇理齊
堯亦許道隱穀偕臧周蝶元同夢鵬鳩只異翔翳
消華自隕腰適帶兼忘肥遯應無悶雄材固未量
將軍使用趙開府共思羊莫以棲遲樂而忘蔽芾
棠願言鈴閣下一爲咏谿堂

題錢慕蘭卷

有跋

光風泛妍節幽蘭被秋晚楚人思方結越客腸偏
斷陟岵感芳初循陔驚豔暖殷勤羅戶徧惆悵生
階晚猗猗玉池畔浥浥露華滿思同屈氏芰興異
陳王阪之子乃國香金書洵絲遠藤根長者居杏

樹仙人苑毫抽亭襖餘琴引尼丘撰至性已孿如
神襟亦蕭散忻有同心言芳佩從君搴

錢氏之蘭正如屈氏之芰曾氏之羊棗昔賢至
不敢薦不忍食而伯升於蘭獨愛而植之其爲
慕同耳伯升雅士精醫工草隸少年好聚古器
種穉竹木盆盎中望若喬天晚歲悉持贈客不
恡獨滋蘭彌善又庶幾所謂慕以終身者此卷
多先輩名賢手跡予詩何足嗣響爲言其晚慕
不衰而已萬曆戊申冬仲望齡書

終

律